

ինչ 'ի տեղեաց նոցին . և 'ի ծանուցանելն զայս Դեսպանին Գաղղիոյ, հրաման եղեւ դարձուցանել 'ի վիճակն առաջին : Եւ Օսմանեան Պետութիւնն գորով բարեկամ Գաղղիոյ, եղեւ հրաման՝ զի Լատին կղերք և ամենայն հետեւողք նոցին՝ յորմէ ազգէ և իցեն՝ տնարգել կատարեսցեն զուխտս իւրեանց, և խաղաղութեամբ բնակեսցին 'ի ներքս Երուսաղէմի և արտաքոյ նորին, և յատկացեալ տեղիքն ըստ առաջնոյն մնացեն 'ի ձեռս նոցա . և ըստ հրովարտական ՎՊՅ : ՎՊԿ, եւ դաշնագրոյն չլինիլ ուսեք հարկապահանջ . և 'ի պատճառս շինութեան և այլ առթիւ չհակառակիլ ուխտին և յատկացեալ բնակութեանց և տեղեաց նոցին, ըստ զօրութեան դաշնագրոյն և այլ հրովարտական, եթէ նորոգեալ իցեն, դարձցին 'ի վիճակն առաջին, որոյ վասն տուեալէ հրովարտակ ՎՊԿ 'ի Վ Շապան ամսոյ, դարձեալ և 'ի նոյն թիւ 'ի Վ Զիւլիճճէ ամսոյ :

Եւ վասն չգործադրելոյ զնոսա՝ դարձեալ հրովարտակ ՎՊԿ 'ի հաստատութիւն նոցին, այսոքիկ արձանագրեալ կան վասն ուխտին և բնակութեան Լատինոց : Եւ յերուսաղէմէ ծանուցանեն թէ՝ Համբարձման գմբեթն, Սուրբ Յարութիւն և արտաքոյ նորին ուխտատեղի և բնակարանք նոցին . սակայն անուանք նոցա բացայայտ ոչ են գրեալ 'ի դիւանին . և Հէօճճէթն Երուսաղէմի չգտաւ համաձայն դաշնագրոյն, որոյ վասն անտես եղեւ : Եւ դրեցաւ վերստին հրովարտակ 'ի հաստատութիւն առաջնոց, զի 'ի պատճառս նորոգութեան Հայք և Յոյնք մի հակառակեսցին ուխտին Լատինաց » : Առեալ էին Լատինք եւ գիր հրամանի 'ի Փոխարքայէն Եգիպտոսի համաձայն մըտաց հրովարտակին : Հայք ոչ երբէք ցուցին ընդդիմութիւն պատարագին Լատինաց, զոր 'ի տարւոյ միանգամ կատարէին 'ի ներքոյ գմբեթին . սակայն ոչ շատացեալ այնու, խնդրէին բառնալ իսպառ 'ի տեղւոյն անտի ըզսեղանն, զկանթեղս և զպատկերս և զայլ ամենայն զարդս, կործանել և անհետ առնել զբովանդակ շինուածս Հայոց, արտաքսել զնոսա անտի և թողուլ գտեղին 'ի վիճակն առաջին աւերակ, և զբանալին տալ 'ի ձեռս այլազգի Իմֆ տեղւոյն : Թէպէտեւ խնդիրք նոցին հակառակ էր Կայսերական հրամանին, այլ որոացեալ էին 'ի կողմն իւրեանց